



Broj: 11-14-2078-10/18
Goražde, 24.12.2018.g.

Na osnovu člana 70. Zakona o javnim nabavkama („Službeni glasnik BiH”, broj: 39/14), a na preporuku Komisije za nabavku Ministarstva za boračka pitanja Bosansko-podrinjskom kantonu Goražde, imenovane Rješenjem Vlade Bosansko-podrinjskog kantona Goražde, broj: 03-05-1671/18 od 30.11.2018.godine, Ministar za boračka pitanja Bosansko-podrinjskog kantona Goražde, **d o n o s i:**

ODLUKU

o izboru najpovoljnijeg izvođača radova na rekonstrukciji platoa Centralnog spomen obilježja branilaca Goražda sa izgradnjom “Kapije života”

Član 1.

Prihvata se preporuka Komisije za javnu nabavku utvrđena u Izvještaju o radu, broj: 11-14-2078- 9/18 od 24.12.2018.godine i za najpovoljnijeg ponuđača za izvođenje radova rekonstrukciji platoa Centralnog spomen obilježja branilaca Goražda sa izgradnjom “Kapije života”, bira se GPD “Drina” d.d. Goražde sa Ponudom, broj: 11-14-2175/18 od 20.12.2018.godine i ponuđenom cijenom od 53.714,00 KM, bez PDV-a.

Član 2.

Prijedlog ugovora dostaviće se na potpis izabranom ponuđaču po proteku roka od 15 /petnaest/ dana, računajući kada je ponuđač obavješten o izboru najpovoljnije ponude.

Član 3.

Izabrani ponuđač dužan je dostaviti garanciju za dobro izvršenje ugovora u iznosu od 5% od vrijednosti ugovora u obliku безусловne bankovne garancije i u roku od 7 /sedam/ dana od dana kada bude obavješten od strane ugovornog organa o zaključivanju ugovora, a shodno odgovarajućim odredbama Tenderske dokumentacije, broj: 11-14-2078-2/18 od 27.11.2018.g.

Član 4.

Odluka stupa na snagu danom donošenja i objaviće se na web-stranici Vlade Bosansko-podrinjskog kantona Goražde, a naknadno će se objaviti i u „Službenim novinama Bosansko-podrinjskog kantona Goražde“.

O b r a z l o ž e n j e

Predmetni postupak nabavke pokrenut je Odlukom Vlade Bosansko-podrinjskog kantona Goražde o davanju saglasnosti Ministarstvu za boračka pitanja Bosansko-podrinjskog kantona Goražde za pokretanje postupka rekonstrukcije platoa Centralnog spomen obilježja branilaca Goražda sa izgradnjom „Kapije života“ broj: 03-14-1617/18 od 27.11.2018.g, te Odlukom o pokretanju postupka Ministarstva za boračka pitanja BPK Goražde, broj: 11-14-2078/18 od 28.11.2018.g.

Procijenjena vrijednost nabavke iznosila je 47.052,00 KM.

Javna nabavka provedena je putem otvorenog postupka.

Obavještenje o nabavci, broj: 834-1-3-4-3-2/18 poslato je na objavu dana 29.11.2018.godine, te je istog dana i objavljeno na Portalu javnih nabavki.

Komisija za nabavku, imenovana Rješenjem Vlade Bosansko-podrinjskog kantona Goražde, broj:03-05-1671/18 od 30.11.2018.godine, uz Izvještaj o radu, broj:11-14-2078-9/18 od 24.12.2018.godine, dostavila i Zapisnik o pregledu i ocjeni ponuda, broj: 11-14-2078-8/18 od 24.12. 2018.godine, a u kojima je preporučila izbor GPD "Drina" d.d. Goražde.

U postupku po zaprimanju Izvještaja o radu utvrđeno je da je Komisija blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je zaprimljena/pristigla 1/jedna/ ponuda;
- da je ponuda ponuđača GPD „Drina“ d.d. Goražde prihvatljiva.

Izabrani ponuđač je odabran primjenjujući kriterij najniže cijene, koja je ponuđena u iznosu od 53.714,00 KM, od strane ponuđača GPD „Drina“ d.d. Goražde.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, a u skladu sa kriterijima iz Tenderske dokumentacije, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Izabrani ponuđač odabran je primjenjujući kriterij „najniža cijena“.

Uzimajući u obzir naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se uložiti žalba ugovornom organu u pisanoj formi, direktno, elektronskim putem ili preporučenom poštanskom pošiljkom, najkasnije u roku od 10 /deset/ dana od dana prijema ove Odluke.

MINISTAR

Eniz Halilović